


**YAMADA URGENTE
NA VIAHERONAN CU
BOETNAN PENDIENTE**



WWW.SOLODIPUEBLO.COM



SOLODIPUEBLO@GMAIL.COM

**Hues a dicta sentencia
CASTIGO
COMBINA PA
PERIODISTANAN
CU TABATA
SCUCHA RADIO
DI POLIS VIA UN
AGENTE DI POLIS**

**18 LUNA
DI PRISON
PA SPEED
ANDRADE
PA CUMPRA
POLIS, 12
CONDICIONAL**



**MINISTER DI TURISMO TA
INFORMA CU FASE 2 DI
PROYECTO RENOBACION
PALAPA NA MANGEL HALTO
A CUMINSA**



**ARUBA Y BRASIL CONECTA:
CU EVENTO INAUGURAL
DI GOL AIRLINES FOR DI
AEROPUERTO SÃO PAULO-
GUARULHOS (GRU) 'UN
LOGRO SIGNIFICATIVO PA
TUR DOS DESTINACION'**



ARUBA BANK A SOSTENE BLUE MARLINS CU SPONSORSHIP DI UNIFORM



Oranjestad – 18 di december 2024 - Aruba Bank ta orguyoso di por a anuncia su sponsorship pa Blue Marlins Baseball Team, un total di 20 uniformnan completo pa e ekipo U10 bou di e nomber di Wave Breakers. Esaki ta inclui jerseys, carson, faha, mea y pechi, pa asina garantisar cu e ekipo ta bon prepara pa ta exitoso.

E organisacion Blue Marlins ta dedica na duna e

hubentud bou di 16 aña un experiencia positivamente cu beisbol, cu ta enfoca riba desaroyo di habilidad, trabou den ekipo, y e spirito deportivo.

Nos ta orguyoso di a sostene Blue Marlins den nan mision pa inspira atleta hoben. E patrocinio di uniformnan ta un di e manera c u Aruba Bank ta yuda e hobennan aki briya riba y for di tereno di wega.



YAMADA URGENTE NA VIAHERONAN CU BOETNAN PENDIENTE

Grenspolitie lo, riba peticion di Ministerio Publico, sigui para viaheronan cu debe di boet durante e period di vakantie cu ta nos dilanti. Personanan cu debe boet ta core riesgo di wordo deteni dor di Grenspolitie y di lo no por sigui cu nan viahe te cu nan cumpli cu pagonan di nan multa(nan).

Esaki por tin, entre otro, como consecuencia cu hende ta perde avion. Si resulta cu un persona

no por (o no kier) paga e boet, CEA lo traslada e persona aki pa KIA pa e cumpli cu su detencion. Pa cu e meta aki KIA a prepara caba celnan tanto pa hende homber como hende muher.

Ministerio Publico ta haci un yamado urgente na tur hende, especialmente na viaheronan, cu tin debe di boet pa paga esaki mas liher posible. Por paga online via cuenta bancario 4000905 di ArubaBank, bao mencion di e

parketnummer (cu ta cuminsa cu un P).

Tambe bo persona por paga na caha di Ministerio Publico despues di haci un afspraak via e website (www.omaruba.com).

Si bo tin algun pregunta tocante bo boet, por manda esaki pa info@omaruba.aw. Bo por haci uso alavez di e formulario di contacto riba e website pa haci pregunta.



18 LUNA DI PRISON PA SPEED ANDRADE PA CUMpra POLIS, 12 CONDICIONAL

Hues ta haya Lacle, Giel y Speed culpabel di a cumpra Vos.

Tambe cu nan a causa cu Vos a viola su obligacion di Polis.

Hues no ta haya nan culpabel di ta forma parti di un organisacion

criminal. Hues a condena Giel y Lacle na 240 ora di trabao pa comunidad of 120 dia sera di no cumpli. Ademá 12 luna di prison condicional cu 3 aña di pruená. Hues a condena Speed na 18 luna di prison di cual 12 luna ta condicional cu un tempo di prueba di 3 aña.

Koolman a wordo condena na 150 ora di trabao of 75 dia sera si e no cumpli y 3 aña di prueba.

Hues a bisa cu e castigo di Speed ta mas pisa pasobra den su tempo di prueba pa e mesun tipo di delito el a bolbe haci e mesun cos.

CASO NEW YORK

Awe corte di prome instancia a dicta sentencia den e caso penal 'New York'.

Ta trata di e caso contra e periodistanan R.L., B.K., N.G. y N.C.d.A. E sospechosonan ta wordo acusa di corrupcion activo di funcionarionan publico, complicidad di violacion di secreto oficial y participacion den un organizacion criminal durante e periodo di 1 di januari 2021 te 22 di maart 2023.

E tratamiento di awemainta ta un continuacion di e caso contra e agente policial V., kende a wordo condena riba 8 di december 2023 pa 16 luna di prison, di cual 8 ta condicional, pa malversacion, violacion di secretonan di trabao, abuso di su funcion y soborno di parti di miembronan di prensa. Ademá el a wordo prohibi di eherce e trabao di polis pa e duracion di 3 aña. Ministerio Publico a bay den apelacion contra e sentencia aki.

Corte a absolve e sospechosonan di participacion den un organizacion criminal. B.K. a wordo declara liber di corrupcion activo di funcionarionan publico, conforme solicitud di Ministerio Publico.

E otro tres sospechosonan a wordo condena pa corrupcion y e cuatro sospechosonan a wordo condena pa complicidad den violacion di secreto oficial di trabao. Teniendo na cuenta e absolucion di participacion den un organizacion criminal, e castigonan imponi ta bao di e castigonan exige pa Ministerio Publico.



B.K. a haya un castigo di trabao pa comunidad di 150 ora y ademá un castigo di prison condicional di 3 luna cu un tempo di prueba di 3 aña.

R.L. y N.G. a haya un castigo di trabao pa comunidad di 240 ora y ademá un castigo di prison condicional di 12 luna cu un tempo di prueba di 3 aña.

N.C.d.A. a haya un castigo di prison di 6 luna y ademá un castigo di prison condicional di 12 luna cu un tempo di prueba di 3 aña.

Corte ta tuma e sospechosonan na malo cu nan a intercepta comunicacionnan confidencial

di radio di Polis di Aruba aparentemente pa interes propio, beneficio economico y/o sensacionalismo. Door di haci esaki, a viola privacidad di ciudadanonan di Aruba y a causa posible riesgonan y peligronan pa e ciudadanonan, Polis y sociedad.

Corte a tuma na cuenta tambe e actitud procesal di e sospechosonan na momento di determina e haltura di e castigo. N.C.d.A. a haya e castigo mas halto pasobra el a wordo condena anteriormente pa hechonan similar, y esey no a strobe pa bolbe comete delitonan di e mes indole.

Ministerio Publico ta considerando ainda si lo apela. Tanto Ministerio Publico como defensa tin 14 dia pa tuma e decision aki.



NoticiadiCorte

Hues a dicta sentencia

CASTIGO COMBINA PA PERIODISTANAN CU TABATA SCUCHA RADIO DI POLIS VIA UN AGENTE DI POLIS

Awe mainta, Hues a dicta sentencia den e caso penal cu Ministerio Publico a cuminsa contra Richard Lacle, Brian Koolman, Norben Giel y Nelson Cabral de Andrade (Speed).

SOLO DI PUEBLO por a compronde cu Hues a baha e castigo cu Fiscal a exige pasobra Hues no ta haya proba e acusacion di cu e grupo tabata forma parti di un organizacion criminal. Hues tambe a expresa cu periodistanan no por viola ley pa haya informacion secreto di Polis.

EXIGENCIA FISCAL

Luna pasa durante tratamento di e caso, Fiscal a bisa cu tur 4 sospechoso a cumpra Vos pa haya informacion di Polis. Fiscal ta haya cu Vos a viola su deber como Polis door di ricibi placa, regalo pa haci cosnan contra di su deber.

Fiscal a exige 2 aña di prison pa Speed y a exige pa detencion di biaha ora Hues dicta sentencia. Fiscal a exige 18 luna di prison di cual 8 luna ta condicional pa Giel y Lacle y cu 3 aña di prueba. Fiscal a exige 6 luna di prison pa Koolman cu 3 aña di prueba.

A CUMPRÁ VOS

Hues awe mainta den su sentencia, a cuminsa na bisa cu e ta declara tur cuater acusado liber di e acusacion di a forma parti di un organizacion criminal. Hues ta haya cu no tin suficiente prueba. Hues a sigui bisa cu Speed, Giel y Lacle ta culpable di a cumpra Vos. Hues ta haya proba cu Speed, Giel y Lacle a paga Vos. Cada un a haci'e na nan manera. Hues a bisa cu e ta haya e declaracion di Vos confiabel. Na

opinion di Hues, no ta esey so. E declaracion di Vos, ta wordo confirma door di e chatnan riba whatsapp. Tin prestamo di placa haci y a duna regalo, pa asina move Vos como ambtenaar haci cosnan cu ta contra di su obligacion como agente di Polis.

Hues ta haya tur cuater periodista culpable cu Vos a viola su obligacion di comparti informacionnan secreto di Polis. Hues a bisa cu Vos no a haci'e su so. E acusadonan a yuda door di duna diferente laptop, facilita aparato wifi, instalacion di cierto apps pa asina haya tur informacion for di radio di Polis. Hues ta haya cu cada un a haci aporte significante den esaki. NO POR HACI DELITO PA HAYA INFORMACION

Hues a bisa cu pa cu e acusacion di organizacion criminal, no tin suficiente prueba di trahamento structural pa por papia di organizacion criminal. Pesey ta declara nan liber.

Hues a reacciona riba defensa di abogado, cu mester tene cuenta cu libertad di prensa. Hues a bisa cu en principio mester respeta esaki pa democracia den un pais. Sinembargo, e limite di libertad di prensa ta wordo determina pa ley.

Hues a enfatisa cu un periodista no por haci delito pa haya informacion. Hues ta haya cu esaki a sosode den e caso aki. El a bisa cu solamente den caso excepcional por tin excepcion.

Pa cu e castigo, Hues a bisa cu e ta tene cuenta cu seriedad di e caso. E ta haya cu aki ta trata di

un caso serio caminda a causa cu Vos a viola su obligacion y dañá imagen di Polis. Esaki a crea duda den Polis door cu informacion secreto di Polis ta cay den man di e acusadonan. Hues ta haya cu esaki por causa peliger den comunidad.

Hues a tuma e acusadonan na malo cu door di sensacion y nan propio interes a haci esaki.

CASTIGO COMBINA

Hues a bisa cu e ta castiga e acusadonan menos cu Fiscal a exige, pasobra e no ta haya proba e organizacion criminal. Hues a condena Lacle y Giel na 240 ora di trabao pa comunidad y si no cumpli cu esaki, lo mester bay 120 dia sera den KIA. Tambe Hues a condena Lacle y Giel na 12 luna di prison condicional cu 3 aña di prueba. Esey ta nifica cu si den e periodo di 3 aña nan haci algo contra ley, nan lo por haya e 12 luna di prison riba e castigo cu nan lo haya pa e delito cu nan a haci.

Hues a condena Speed na 18 luna di prison di cual 12 luna ta condicional cu un tempo di prueba di 3 aña. Esey ta nifica cu Speed mester bay 6 luna sera den KIA. Hues a bisa cu Speed a haya mas castigo pasobra Speed a haci e delito aki den su tempo di prueba pa e mesun delito aki cu el a yega di haci den pasado.

Hues a condena Koolman na 150 ora di trabao pa comunidad y si e no cumpli cu esaki, e lo mester bay sera 75 dia di prison. Tambe un castigo condicional di 3 luna di prison cu 3 aña di prueba.

CAMBIA PERSPECTIVA TOCANTE OBESIDAD: SA BO NUMBER Y MIDI BO PESO



Minister Dangui Oduber

**MINISTER DI TURISMO TA INFORMA CU FASE 2
DI PROYECTO RENOBACION PALAPA NA MANGEL
HALTO A CUMINSA**



Despues di un proceso largo di preparacion y destaho, e Ministerio di Turismo ta contento pa anuncia cu fase 2 di e proyecto “Renobacion di Palapas na Mangel Halto” a oficialmente cuminsa. E anuncio aki ta enfatisa e compromiso continuo pa mehora y mantene nos area turistico, pero mas importante preservando e naturaleza y belleza di Aruba.

E proyecto di “Mangel Halto fase 2” ta inclui:

- Renobacion di tur palapas nan existente riba e strip na Mangel Halto, asegurando cu e infraestructura natural y funcionalidad ta optimo pa bishitante di e area.
- Renobacion di palapas na Rogers Beach, creando uniformidad pa tur beach di Aruba muestra igual.
- Renobacion di bankinan na Malmok, mehorando e comodidad y accesibilidad na e palapanan.

E Ministerio di Turismo ta dedica pa aumenta e calidad di nos atraccionnan turistico mientras cu nos ta proteha e ecologia y ta promove sostenibilidad. Minister Dangui Oduber ta pidi comunidad y nos bishitantenan pa cuida e areanan aki cu ta wordo renoba. Paso hunto nos mester preserva nos herencianan di Aruba pa futuro generacionnan



HALA ROSEA LIBREMENTE

Cu introduccion di e ley aki DVG y Gobierno ta trata na reduci e risico pa malesanan cronico cu es cu ta huma por desaroya, como tambe proteha e 'second-hand smoker' y preveni e hoben di cuminsa huma na un edad jong.



DTI ENCUANTO KEURING DI VEHICULONAN DI MOTOR D.D. 16 DECEMBER 2024



Por medio di es comunicado aki DTI kier duna informacón na e pueblo di Aruba encuanto e procedura pa keur vehiculonan di motor.

DTI ta haci su keuring abase di e requisitonan cu tin den “Landsbesluit Voorschriften Voertuigen” (AB 1999 no. 61.)

Pa locual ta trata e parti di seguridad ta importante y esencial pa e vehiculo ta cumpli cu e requisitonan.

E ta hopi importante pa keur bo vehiculo di motor, pa motibo cu esaki ta un chequeo pa cu e condición di e vehiculo y ta hisa e seguridad di e usuario cu por ta bo mes, di bo famia, bo trahador of un turista cu ta di bishita na Aruba.

DTI ta sugeri pa keur e vehiculonan pa evita desgracianan innecesario, evita boetnan of gastonan halto .

Procedura pa traha cita (Afspraak):

Orario pa traha cita ta di 7:45 pa 11:30 y di 13:00 pa 15:30.

Keuring di vehiculo ta di dialuna pa diabierna di 7:30 pa 12:00 y di 13:00 pa 16:00.

Pa traha un cita mester presenta personalmente na DTI su kantoor sitúa na Barcadera 153, conhunt cu e documentonan necesario y ta haci e pago dibiaha.

Mester trece e siguiente documentonan y informacion pa traha cita:

- Registratie formulier DIMP (esaki no ta e comprobante di pago)
- seguro valido,
- Si ta trata di un vehiculo cu ta ser uza pa transporte publico mester presenta cu e vergunning valido of un carta di DTP cu esaki ta den proceso.

Keuring di e vehiculo.

Riba dia di cita di keuring tin cu presenta na balie paden di keuringshal cu e siguiente documentonan;

- Comprobante di e cita
- Keuringsbewijs bieu (si e vehiculo a yega di keur caba)
- Registratie formulier di DIMP
- Comprobante di seguro valido.

Si e vehiculo wordo goedgekeurd e ta ricibi un sticker di cual ta wordo geplak ariba e windshield y ta ricibi e keuringsbewijs.

Si acaso ariba e dia di keuring e vehiculo wordo afgekeurd y e ta algo reparabel e oportunidad ta wordo duna pa dentro di 30 dia regla esaki y bin bek DTI (esaki nos ta jama un herkeuring).

Ki ora bo mester keur bo auto?

Si bo a cumpra un vehiculo nobo di fabrica pa uzo personal bo tin cu aña ariba e bouwjaar y es aña ey bo persona lo tin cu keur bo vehiculo pa prome biaha.

Por ehempel den e aña 2025 e vehiculonan pa uzo personal cu bouwjaar 2022 lo mester bin keur pa prome biaha.

Despues di e prome biaha e vehiculo pa uzo personal mester wordo gekeurd cada 2 aña.

Pa transporte publico (personenvervoer) ta conta otro duracion:

Vehiculonan cu uzo como autobus, bus, taxi, tour-operators (T-O) etc, tin cu keur cada aña y e vehiculonan nobonan prome cu nan subi caminda nan lo mester keur esakinan. Den caso

cu si nan a haci cambionan na e vehiculo of tabata den un accidente lo tin cu bin pa keur esakinan un bez mas prome cu haci uzo di nan ariba carretera.

Pa vehiculonan di compaña (bedrijfsauto's), trucks, pickup tin cu keur cada 1 aña.

Pa mas informacion por tuma contacto telefonicamente na Tel: 5845300.

Pa locual ta trata e dianan di fiesta DTI lo ta sera desde e fecha di 20 december 2024 y lo habri bek pa publico ariba dialuna 06 januari 2025 esaki en conexion cu mantencion na nos edificio.

Ariba 06 januari 2025 lo duna e oportunidad pa keur na e vehiculonan cu lo participa den parada di fakkel.

DTI ta desea e pueblo di Aruba un Bon Pasco y un



SOLODIPUEBLO@GMAIL.COM

CEL.585 9500



Parlamentario Ricky Hoek (MEP): Cu tratamiento di e Presupuesto Supletorio

GABINETE WEVER-CROES II TA BOLBE MARCA HISTORIA DEN MANEHO DI FINANZAS

, 17 di december 2024: Dialuna mainta Parlamento di Aruba a trata e Presupuesto Supletorio (Nota di Fin di Aña of Najaarsnota) 2024. E presupuesto supletorio ta un presupuesto cu ta trata e ahustacionnan cu a keda haci durante aña den e presupuesto nacional di pais Aruba.

Parlamentario di Fraccion di MEP, Ricky Hoek ta indica cu e presupuesto nacional di aña 2024 a keda trata y aproba pa Parlamento di Aruba na december di 2023. Esaki ta debi cu e presupuesto a keda entrega na tempo manera ley ta prescribi y cu di e manera ey Parlamento tambe tabata tin e tempo necesario pa por a studia y trata e ley di presupuesto 2024.

Na momento cu un presupuesto keda aproba na tempo, esaki ta duna gobierno e aprobacion pa (sigui) ehecuta nan maneho y proyectonan cu ta planea pa e aña venidero, el a bisa.

Maneho historico
Hoek a agrega cu e biaha aki Gabinete Wever-Croes II ta bolbe marca historia den e maneho financiero di pais Aruba. E presupuesto di 2024 a wordo entrega y aproba na tempo. Na mei, Gobierno a entrega e “Voorjaarsnota” y e cambionan di e presupuesto, y e siman aki Parlamento a trata e “Najaarsnota” y e cambionan di e

presupuesto.

Historico tambe ta cu e presupuesto ta contene un surplus di 2.6%. Esaki ta 1.6% mas halto di loke e mester ta inicialmente. Y mas historico ta cu danki na e cambionan aki, nos ta cera aña cu e debe nacional di pais Aruba na 71%. Esey kiermeen, cu di cada florin cu tin den caha di gobierno, 71 cen ta bay pa paga e debe nacional y 29 cen ta pa haci inversionnan den nos país, e parlamentario a remarca.

Si sigui cu e bon maneho financiero aki, ta premira cu pa rond di 2035 nos por yega na e meta di baha e debe nacional na 50% y subi e suma di inversion pa pais. Pues, na momento cu tur dos presupuesto supletorio a keda trata den Parlamento di Aruba, por bisa cu e ciclo di e aprobacion y control financiero a cera exitosamente, Ricky Hoek a declara.

Tarea necesario pa e gabinete y parlamento nobo

Pa e gabinete y parlamento nobo cu mester bay sinta entrante 2025, tin un tarea financiero hopi importante ta warda nan. E disciplina di e hiba un bon maneho financiero pa pais Aruba mester continua, pa asina garantisca cu Aruba ta cumpli cu su leynan financiero, pero tambe cu su responsabilidadnan di pago di e debe nacional, el a expresa.

Banda di esey, e maneho


aki ta yuda na yega na un surplus di cual e placa adicional ta wordo inverti den pueblo. Di otro banda, si no sigui cu e maneho structural di tin un finanzas na ordo, por spera cu Aruba lo por bay bek den e temporada caminda hopi debe a wordo crea y sin un reserva financiero den caha di gobierno.

“Por ultimo, mi ta lamenta cu e Presupuesto 2025 no a keda trata den Parlamento prome cu fin di aña manera a sosode e ultimo dos añanan. Awor ta na e gabinete nobo pa wak si e ta mantene e presupuesto



como tal of e ta haci ahustacion den dje. Pa e Parlamento nobo cu lo sinta dia 8 di januari proximo, mi ta spera cu Parlamento pone e presupuesto

como su prioridad y trata esaki lo mas pronto posibel na bienestar di nos tur na Aruba”, asina Parlamentario Hoek a finalisa.



CUMINDA DI PASCO

Ham horna 45,-
Galinja horna 45,-
Galinja jena 60,-
Kalacuna 150,-
Kalacuna jena 180,-
Cubo mes un ham /galinja of kalacuna!
Pa ami cumpra hqm/galinja of kalacuna.
Ham 110,-
Galinja 90,-
Galinja jena 105,-
Kalacuna 260,-
Kalacuna jena 290,-
Pa 10 persona
Lomito 120,-
Roastbeef 100,-
Chicken breast 90,-
oestersaus of mushroom
Salada batata 40,-
Aroos con pollo 45,-
Ayaca 7,-

Pa pedido por jama of whatsapp mi riba 7497071
te cu 22 dec

CAMBIA PERSPECTIVA TOCANTE

OBESIDAD

Na Aruba mas di 75 % di e poblacion di 20 aña of mas tin sobrepeso of obesidad, cu'n 43% di sobrepeso y un 36% di obesidad (Investigacion di Salud, GOA, 2017, DVG).

Esey kieren cu mas of menos 1 den cada 3 di nos poblacion adulto di 20 aña of mas, ta sufrir di obesidad. Lastimamente majoria di nos no ta consiente di nos peso real y su consecuencia pa cu nos salud. Tin sobrepeso of obesidad ta un factor di riesgo grave pa desaroya malesanan cardiovascular y diabetes tipo 2 y ta un contribuyente grandi pa morto prematuro.

E indice di masa corporal real (BMI) promedio di e poblacion entre 25 y 64 aña ta 30.1 kg/m², indicando cu e persona promedio na Aruba ta obeso.

E investigacion di Salud na 2017 haci door di DVG a indica cu ora compara e BMI cu e percepcion di e persona su propio peso, ta keda bon kla cu hopi hende tin un percepcion robes y en realidad tin mas peso cu e ta pensa.

Pa esnan cu ta pensa cu nan ta flaco di mas en realidad 60% tin peso normal, y pa esnan cu ta pensa cu nan tin peso normal en realidad 73% tin sobrepeso.

Esnan cu ta obeso, un den cada 3 ta pensa cu nan tin sobrepeso y no ta realisa cu en berdad nan ta obeso. E percepcion robes aki por ta hopi negativo pa e salud.

Pesey cu e campana SABONUMBER nos di DVG, IBiSA y POHers kier consentisa nos poblacion y encurasha tur hende pa midi en realidad nan peso. Bo tin obesidad na momento cu bo tin un acumulacion exceso di vet cu ta forma un peligro pa salud. Un di e metodo pa determina obesidad ta e midi di cintura.

Si bo ta hende homber y bo midi di cintura ta 102 cm (40 inch) of mas of hende muher cu un midi di cintura 88 cm (35 inch) of mas, bo tin vet di mas rond di bo cintura. Por favor acudi na DVG Aruba su plataforma di media social Facebook of Instagram pa nos video cu ta demonstra con pa

midi e cintura.

Obesidad y vet dimas rond di cintura ta hisa bo riesgo pa haya malesanan cronico manera diabetes (males di sucu), presion halto, problema di lomba y rudia, malesa di curason y ader y cierto tipo di cancer.

Obesidad ta un resultado di diferente factor paden y pafo di nos control. Factornan biologico y genetico ta pone algun di nos na mas riesgo. E ambiente fisico y social tambe por impacta e habilidad di un persona pa por hiba un bida saludabel y kisas expone e

persona na cuminda insaludabel. Den nos proximo articulo lo elabora mas riba e parti aki.

Pa mas informacion acudi na bo dokter di cas, POHers, DVG, of IBiSA of bishita e website: www.worldobesityday.org



ARUBA Y BRASIL CONECTA: CU EVENTO INAUGURAL DI GOL AIRLINES FOR DI AEROPUERTO SÃO PAULO-GUARULHOS (GRU) 'UN LOGRO SIGNIFICATIVO PA TUR DOS DESTINACION'

Aruba ta bira un pais mas accesibel pa tur huesped Brasileiro danki na vuelo inaugural directo y nobo di Gol Airlines. Un vuelo cu ta conecta São Paulo-Guarulhos (GRU) cu Aruba (AUA).

A celebra y honra e logro monumental aki durante un recepción di bonbini den Lounge Inter GOL Smiles hunto cu representantenan di GOL Airlines Danilo Barizan – Commercial Director y Rafael Araujo – Director of Planning, Wieneke Vullings – Consul General di Reinado Hulandes estableci na Brazil, y delegacion di Aruba cu a consisti di Ronella Croes – CEO di A.T.A., Sanju Luidens – CMO di A.T.A., Jordan Schlipken – Director di A.T.A. LATAM, Andrew Hoo – Director di Inmigracion di Aruba, y Carlos Barbosa – A.T.A. Brazil. E vuelo inaugural G3 7716 ta simbolisa no solamente comodidad, pero tambe ta fortalece e laso cultural y economico entre Brazil y Aruba.

Durante di e ceremonia na aeropuerto GRU na Brazil, Ronella Croes, CEO di Aruba Tourism Authority, a expresa su gratitud sincero na tur socio cu a haci e logronan aki posibel. 'Esaki sigur ta un soño cu nos a cultiva durante hopi aña y cu ta bira realidad awe. Nos ta gradici tur huesped cu a eligi Aruba como su destino pa disfruta di e temporada di fiesta y asina duna inicio exitoso na e vuelo non-stop aki.' Sra. Croes a destaca

E ruta directo nobo aki ta reduci e tempo di biahe entre Brazil y Aruba pa solamente seis ora y mei, cual ta haci Aruba e isla Caribense di mas accesibel pa e huesped

Brasileiro, for di e mercado di Sao Paulo.

Como un pais cu pa durante 40 aña a traha duro pa keda resalta den e region, por bisa cu Aruba ta un destino Caribense popular pa huespednan Brasileiro. Cu e vuelo aki, Aruba Tourism Authority (A.T.A.) ta anticipa un crecimiento significativo den e mercado specifico di Brazil, reforzando e posicion di Aruba como e destino prefera pa huespednan di Brazil.

Aruba ta sigui fortalece su presencia den mercado Latino America, cu un proyeccion pa ricibi alrededor di 182,838 di e mercado aki na final di 2024, representando un resultado adicional di 39% compara cu 2023. Danki na un strategia exitoso di diversificacion, desde 2014 e mercado di Brazil a logra un crecimiento positivo promedio anual di 25%, un cifra cu a subi te na 54% den e ultimo tres aña.

E huesped Brasileiro ta conoci pa tin un patronchi di gasto mas halto cu hopi otro mercado. Segun e estudio mas recien di tarheta di credito Visa, brasileronan ta gasta un promedio di \$685 pa dia pa cada persona cu tin un tarheta di credito y ta usa esaki durante di nan biahe na Aruba, poniendo nan como e tercer mercado cu ta gasta mas riba e isla despues di Chile y Estados Unidos. Cu e mercado di Colombia ya caba stabilisa, e ruta nobo entre São Paulo, Brasil, y Aruba lo sigui sostene un aumento den 'market-share' di Latino America, subiendo e di 8% di e total di huesped na 2014 pa un estimacion di 14% na 2024. Y cu mas di e huespednan aki, Aruba lo sigui atrae mas di e mercado cu



patronchi di gasto mas eleva cu otro.

E conexion nobo di Gol Airlines ta parti di un expansion mas grandi den aviacion Latino Americano. Pa 2025, un total di 305,000 asientonan lo wordo poni disponibel pa vuelo entre Aruba y e region. E logro aki ta refleha e compromiso di Aruba pa haci e isla cada biaha mas accesibel cu

huespednan cu patronchi di gasto halto for di Latino America.

Un gradicimento na Ministerio di Turismo, Aruba Airport Authority (AAA), y ekipo di Aruba Tourism Authority (A.T.A.) cu a haci e vuelo aki posibel. Cu brasa habri nos ta yama nos huespednan Brasileiro Bem-vindo (Bonbini).

FORTALEZA PA FAMILIA

Scirbi pa Pastor Marcel Balootje.

NO LUBIDA , ORA NOS MURI , TUR COS TA KEDA ATRAS

Ta awor cu nos ta bida ta existi e oportunidad, pa drecha nos relacion cu Dios, pa ora morto presenta, nos por bay serca Señor.

Dios a duna tur hende oportunidad igual, pasobra Dios a stima e mundo completo, y a pone bida di Su Yiu disponibel pa pordon di nos picanan.

E plan di salvacion cu Dios ta ofrece na mundo henter, ta un muestra di amor, compasion y misericordia. pasobra e ta necesario, pa evita nos lo termina den fierno.

Cielo ta existi (Juan 14:1-3).

Fiermo ta existi (Lucas 16:19-31) (Revelacion 29:11-15).

Laga nos no biba den ignorancia di esey, pasobra e plan di e enemigo ta pa hende kere tur dia, cu tin suficiente tempo, cu nan por sigi biba manera nan kier, y no tene cuenta cu e palabra di Dios, pa asina cay den su gara, pa nan biba y muri sin Cristo Hesus.

E lucha di hende pa poder, pa rikesa, pa dominio riba otro, no ta nada mas cu algo temporal, pasobra e ta pasa

bay manera biento, y si nos no tene cuenta nos ta keda atras , pasobra nos salvacion ta personal y e no ta mara na nada material.

Esun cu kere lo ta salba y esun cu no kere lo ta condena , pasobra e no a kere den e Yiu unigenito di Dios, y esey ta conta pa tur hende igual, no tin ningun hende cu tin un servicio special serca Dios, ta tur hende mester yega serca e Tata pa medio di Su Yiu Cristo Hesus, kende ta e caminda di e berdad y e bida.

Ta hopi distraicion tin pa kita hende su bista for di locual ta di Dios, ta hopi tentacion ta bini riba bida di hende, pesey Hesus ta bisa : Keda vigila y haci oracion, pa boso no cay den tentacion, e spirito ta boluntario ma e carni ta debil.(Mateo 26:41).

Dios a reconcilia su mes cu e mundo pa medio di Cristo Hesus (2 Corintionan 5:19).

Y si nos confesa nos picanan Dios ta fiel y husto di pordona nos, nos picanan y libra nos di tur inhusticia.(1 Juan 1:9).

Dios no kier pa ningun hende bay perdi pero pa tur hende

yega na e conocimiento di e berdad.

Hesus a bay nos dilanti y bay prepara lugar pa nos tur den cas di Su Tata.(Juan 14:1-3). Hesus a bisa bin serca mi tur cu ta cansa y carga y lo mi duna boso sosiego (Mateo 11:28).

Awor nos ta mira con e rechazo di Dios, bofon, cherchamento, immoralidad ta aumentando mundialmente. falsedad, falta di respet, ta demonstra na nos cu di berdad nos ta bibando den tempo trabahoso.

Hende kier biba pa nan mes, sin tene cuenta cu Dios, sin ningun speransa , pasobra nan no tin tempo pa Dios.

Bijbel ta splica, bon cla den Hebreonan 9:27: Y mescos cu hende ta destina pa muri un biaha so y despues di esaki ta bini huicio.

No straña boso di esaki, pasobra e ora lo yega den cual tur cu ta den graf lo tende Su bos y lo sali. Esnan cu haci bon pa resurreccion

di bida, y esnan cu a comete maldad, pa un resurreccion di huisio.

Pero ora nos muri , tur nos rikesa, tur e cosnan cu nos ta gusta y stima lo keda atras , nos no por hiba nada cu nos.

Pesey nos mester entrega nos bida completamente na Cristo Hesus cual ta nos unico speransa pa bida eterna.

Salabacion ta un asunto personal, pa nos tur.

Sinceramente, Pastor Marcel Balootje.

BAN WAK LUZ DEN

Centro di bario Noord tabata tin aña pasa e actividad comunitario di decora e rotonde na Noord cu luz.

E aña aki nos a pone na disponibilidad pa e pueblo di Noord un bus pa bai

wak luz . E dia ta Diabierna 20 di December di 7 or pa 11 or pm . Lugar di salida ta Centro di bario Noord.

Lo cobra un suma chiquito di 10,00 pa persona y por

inscribi mandando un app na celular 568-2935 of jama durante ora di oficina na 586-4658. Ban sigui mantene nos cultura bibo , ban hunto den bus como un famia wak luz rond Aruba

**PUEBLO A HAÑA SU
PEN BEK**

Pa kualkier informacion
solodipueblo@gmail.com
of
585-9500


lights sightseeing
diabierna 20 december
time: 7pm-11pm
salida: Centro di bario Noord
prijs: 10fl pa persona

BARIO UNICO
















CORTE DI PROME INSTANCIA


9 JANUARI 2025

Horario	Sospechoso	Acto Castigabel
14.00	N.M.W.	Pro forma. W. ta wordo acusa di intento di homicidio y posesion di arma di candela riba 16 di december 2023.
14.00	T.D.S. J.A.R.A.	Pro forma. D.S. y R.A. ta wordo acusa di importacion di cocaina y marihuana riba 9 di juli 2024.


















Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Anochi - December 18, 2024

 Sorteo # 8427 8401 3143 8443  x2  Sorteo # 7471 1661  fp  Sorteo # 2176 7986  Sorteo # 6230 3218 Piscis  Sorteo # 1160 644  x3	 Sorteo # 2553 Joker Letter 0 x Jackpot 0 x Match 4+ 0 x Match 4 0 x Afl. 12,00 Proximo Jackpot 150.000,-	 Sorteo # 6688 0 x Jackpot 6 x Match 4 171 x Afl. 8,00 Proximo Jackpot 55.000,-	 Sorteo # 1724 Mega Ball 12 0 x Jackpot 1 x match 4 4 x Afl. 500,00 51 x Afl. 50,00 78 x Afl. 15,00 Proximo Jackpot 410.000,-	 Afl. 540.000,-	 Sorteo #  Sorteo # 175 273477 
---	--	--	---	--	--



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Anochi - December 18, 2024

 Sorteo # 8427 8401 3143 8443  x2  Sorteo # 7471 1661  fp  Sorteo # 2176 7986  Sorteo # 6230 3218 Piscis  Sorteo # 1160 644  x3	 Sorteo # 2553 Joker Letter 0 x Jackpot 0 x Match 4+ 0 x Match 4 0 x Afl. 12,00 Proximo Jackpot 150.000,-	 Sorteo # 6688 0 x Jackpot 6 x Match 4 171 x Afl. 8,00 Proximo Jackpot 55.000,-	 Sorteo # 1724 Mega Ball 12 0 x Jackpot 1 x match 4 4 x Afl. 500,00 51 x Afl. 50,00 78 x Afl. 15,00 Proximo Jackpot 410.000,-	 Afl. 540.000,-	 Sorteo #  Sorteo # 175 273477 
---	--	--	---	--	--

SER adviseert over verhoging minimumloon



WILLEMSTAD, 18 december 2024 – De Sociaal-Economische Raad (SER) heeft op dinsdag 17 december jongstleden advies uitgebracht over de geplande verhoging van het wettelijk minimumuurloon. Het voorstel, dat vanaf 1 januari 2025 van kracht zou moeten worden, voorziet in een indexering van het minimumuurloon van Naf 11,28 naar Naf 11,72, een stijging van 3,9 procent. De aanpassing volgt op inflatiecijfers van augustus 2024, zoals berekend door het Centraal Bureau voor de Statistiek (CBS). Met deze indexering wil de regering de koopkracht van minimumloonverdieners beschermen tegen stijgende levensonderhoudskosten. Op basis van artikel 13, eerste lid, van de Landsverordening minimumlonen (P.B. 2022, no. 135) is de SER verplicht om gehoord te worden bij de jaarlijkse vaststelling van het minimumloon. Het advies werd op verzoek van de Minister van Sociale Ontwikkeling, Arbeid en Welzijn (SOAW) opgesteld en vastgesteld tijdens een buitengewone vergadering van de SER. Voor 2025 zal de verhoging naar verwachting resulteren in een stijging van het minimummaandloon met Naf 76,21. De jaarlijkse indexering van

het minimumloon wordt gezien als een belangrijk instrument om economische stabiliteit en sociale rechtvaardigheid op Curaçao te bevorderen.

SER Curaçao provides opinion on proposed minimum wage increase WILLEMSTAD, December 18, 2024 – Curaçao's Social and Economic Council (SER) has issued its advisory opinion on a proposed increase to the country's statutory minimum wage, following deliberations last Tuesday, December 17. The plan, set to take effect on January 1, 2025, includes a 3.9 percent increase in the minimum hourly wage, raising it from Naf 11.28 to Naf 11.72. The adjustment is based on inflation data from August 2024, calculated by the Central Bureau of Statistics (CBS). Officials have framed the measure as an effort to protect the purchasing power of minimum wage earners amid escalating living costs. Following Article 13, Section 1 of the National Ordinance on Minimum Wages (P.B. 2022, no. 135), the SER is required to provide input on the annual determination of the minimum wage. This year's advisory was prepared at the request of the Minister of Social Development,

Labor, and Welfare (SOAW) and was finalized during a special session of the council. If implemented, the adjustment is expected to increase the minimum monthly wage by Naf 76.21 in 2025.

The annual indexing of the minimum wage is considered a vital policy tool to support economic stability and promote social equity in Curaçao.

SER ta konsehá riba oumento di salario mínimo WILLEMSTAD, 18 di desèmber 2024 – Konseho Sosial Ekonómiko (SER) a emití su opinion konsultivo tokante e proposishon pa oumentá suèldu mínimo legal. E proposishon ku lo drehta na vigor 1 di yanüari 2025, ta inklui un oumento di 3,9%, subiendó e salario mínimo pa ora di Naf 11,28 pa Naf 11,72. E ahuste proponé ta basá riba datonan di inflashon di ougùstùs 2024, kalkulá pa Ofisina Sentral di Statistik (CBS). Segun gobièrnu, e ophetivo prinsipal ta pa protehá poder atkisitivo di empleadonan ku ta gana salario mínimo kontra kosto di bida elevá.

Segun artíkulo 13, insiso 1, di e Ordenansa Nashonal pa Salario Mínimo (P.B. 2022, no. 135), ta obligatorio pa konsulta SER anualmente

promé ku determiná nivel di suèldu mínimo. E opinion a ser prepará riba petishon di Minister di Desaroyo Sosial, Labor i Bienestar (SOAW) i a ser finalisá durante un seshon ekstraordinario di SER djamars 17 di desèmber último. Si e proposishon wòrdu implementá, ta spera ku e ahuste lo resultá den un subida di Naf 76,21 di suèldu mínimo mensual pa 2025. Indeksashon anual di salario mínimo ta ser mirá komo un hèrmènt pa promové stabilitat ekonómiko i hustisia sosial na Kòrsou.

El SER de Curazao emite opinión sobre el aumento del salario mínimo WILLEMSTAD, 18 de diciembre 2024 – El Consejo Económico y Social (SER) de Curazao ha emitido su opinión consultiva sobre la propuesta de aumento del salario mínimo legal. El plan, que entrará en vigor el 1 de enero de 2025, contempla un incremento del 3,9 %, elevando el salario mínimo por hora de 11,28 florines antillanos (NAf) a 11,72 NAf. El ajuste propuesto se fundamenta en los datos de inflación de agosto de 2024, calculados por la Oficina Central de Estadísticas (CBS). Según el gobierno, la medida busca proteger el poder adquisitivo de los trabajadores con salario

mínimo ante el incremento del costo de vida.

De acuerdo con el artículo 13, apartado 1, de la Ordenanza Nacional de Salarios Mínimos (P.B. 2022, no. 135), es obligatorio consultar al SER en la determinación anual del salario mínimo. La opinión fue elaborada a petición del Ministerio de Desarrollo Social, Trabajo y Bienestar (SOAW) y se finalizó en una sesión extraordinaria del consejo el pasado 17 de diciembre. Si se aplica, se espera que este ajuste incremente el salario mínimo mensual en 76,21 NAf a partir de 2025.

La indexación anual del salario mínimo es considerada una herramienta fundamental para promover la estabilidad económica y la justicia social en Curazao.



5 uso medicinal di e clabo di holo pa salud

E usonan medicinal di e clabo di holo a bin ta probecha for di antiguedad pa promove e bienestar ante cierto enfermedadnan. E ta un specerij, cu ta bin di e mata conoci como *Syzygium aromaticum*, tin componentenan cu ta promove e salud metabolico y digestivo. Si ta bon, su aplicacionnan culinario ta mas extendi rond mundo, tambe a popularisa como remedi natural. Y ta asina, cu aunke hopi no sa, e ta un fuente importante di tanino, flavonoide, esterol y otro componentenan cu ta mehora e salud.

Usonan medicinal di clabo di holo cu bo mester conoce E clabonan di holo a wordo emplea den e mundo gastronomico como ingrediente pa sasona carni, productonan di panaderia of bebida, entre otro. Ademá hopi a balore pa su cualidadnan aromatico. Sin embargo, awendia nos lo centra riba su propiedadnan medicinal. Na prome luga, nos tin cu destaca cu ta trata di un poderoso estimulante. E ta wordo emplea pa habri e apetit, elimina e gasnan intestinal y combati algun infeccionnan oral. Hasta su extracto y azetanan ta wordo emplea den e formulacion di algun dentrífico y remedinan di odontologia. Bo conoce en detaye e usonan medicinal di e clabo di holo? Nos lo repasa esakinan a continuacion.

1. Remedi pa problemanan digestivo E specerij aki a wordo usa principalmente pa su efectonan na nivel digestivo, mehorando digestion y gas. Un di e usonan medicinal di e clabo di holo ta



mas importante tin di haber cu e sistema digestivo. Debi na su propiedadnan carminativo y antiinflamatorio, e ta faborerce e alivio di e gasnan y indegestion. Ademá, su extractonan a duna resultadonan positivo den e tratamento di ulcera.

Ingrediente

- 5 clabo di holo
- 1 glas di awa (200 ml)

Preparacion

- Prome, pone un glas di awa herbe.
- Ora cu e alcanza su punto di herbe, agrega e clabonandi holor
- Kita e bebida for di candela y lag'e reposa rond di 10 minuut.
- Una bes cu e tempo aki pasa, filtr'e cu un colado y bebe.
- Tume te cu dos biaha pa dia durante 3 dia sigui.

2. Remedi pa garganta irita E propiedadnan antimicrobiano di e clabo di holo, por yuda elimina e microorganismonan cu ta incidi den e irritacion di garganta. Si ta bon, no mester consumi'e su so, e ta efectivo ora cu ta mescle cu otro ingredientenan saludabel.

Ingredientes

- 1 telep di clabo di holo mula (5 g)
- 1 cuchara di radijs puro (15 g)



• Honing (15 g)

Awa lauw (200 ml)

Preparacion

- Combina tur e ingredientenan aki y bashanan den un glas di awa lauw.
- Una bes cu bo obtene e preparacion, bo ta gorgle durante 2 pa 3 minuut.
- Ripiti e remedi aki tur dia te ora cu bo sinti un mehoransa.

3. Remedi pa e salud oral E propiedad antimicrobiano di e clabo ta contribui na e mehoracion di e salud oral, e infeccionnan y mal aliento. Entre e usonan medicinal di e clabo di holo, por haya su aplicacionnan den e salud oral. No solamente e ta contribui na detene e crecimiento di e bacterianan cu ta causa enfermedadnan di encia, sinio cu e ta reduci e concentracion di placa y controla como e dolor di djente y halitosis.

Ingrediente

- 2 rama di peterselie
- 3 clabo di holo
- 2 glas di awa (400 ml)

Preparacion

- Na prome luga, herbe e glasnan di awa.
- Una bes cu e yega na su punto di herbemento, agrega e peterselie y e clabonan di holo.
- Reduci e candela y lag'e cushina durante 2

minuut.

- A continuacion, tapa e bebida y spera pa e reposa di 10 pa 15 minuut.
- Finalmente, col'e y realisa enhuage 3 biaha pa dia.

4. Remedi pa cuida e higra E specerij aki ta contene un substancia activo yama eugenol, cual ta specialmente beneficioso pa e salud hepatico. Su consumo por contribui den e tratamento di e higra vet y e efectonan cu e stress oxidativo ta causa. Es mas, e por ta beneficioso contra e cirrosis hepatico.

Ingrediente

- 5 clabo di holo
- 1 glas di awa (200 ml)
- 1 cuchara di honing (15 g)

Preparacion

- Basha e clabonan di holor den un glas di awa herbi.
- Tapa e bebida y lag'e reposa 10 minuut.

- Despues, filtr'e cu un colado y agrega un cuchara di honing.
- Bebe un biaha pa dia, durante 2 siman sigui.

5. Remedi pa tosamento Clabo ta reforsa e sistema inmune, pa cual ta resulta interesante den epocanan di verkoud y griep. E ingrediente natural aki tambe ta resulta idoneo pa e tratamiento di tosamento y otro problemanan respiratorio. Su componente ta yuda combati e virus y bacterianan cu ta afecta e salud pulmonar. Ademá, ta yuda refors e sistema inmunitario.

Ingrediente

- 3 clabo di holo
- 1 cub di awa (250 ml)
- Juice di 1/2 lamunchi
- 1 cuchara di honing (15 g)

Preparacion

- Pa cuminsa, herbe e cup di awa
- Despues, agrega e clabonan di holo, e juice di e lamunchi y honing.
- Lag'e reposa pa 10 minuut y despues beb'e.
- Bebe un cup tur anochi prome cu bo drumi, te ora cue sintomanan reduci.

Precaucion! Si ta bon, e usonan medicinal di e clabo di holo ta destaca entre e specerijnan, no mester ignora cu ta contraindica den casonan special. Mester evita den caso di insuficiencia hepatico. Tambe pashentnan cu e malesa di Crohn, mester abstene di tum'e, como tambe muhenan na estado y lactancia. Den cualkier caso, si bo tin algun duda riba su posibel uso of bo ta tumando remedi, consulta cu bo dokter of farmaceutico pa nan informabo.

Dieet sin awa? Algo e ora no ta bon

Un nutricionista Italiano a studia pa dies aña e efectonan di su consumo.

Nicola Sorrentino, reconocido nutricionista Italiano y profesor di Higiene Nutricional na e Universidad di Pavia, a skirbi un buki di recomendacionnan alimenticio titula "E dieet di awa." E academico, medico di varios famoso di farandula Italiano, a studia pa dies aña e efectonan di bebe awa.

Segun un publicacion di e corant Spaño ABC, e recetario aki ta inclui "un dieet depurativo y energetico" cu ta elimina e alimentonan vet, hasa y bebidanan alcoholico y priorisa e bebida, fruta y berdura. Awa "ta e secreto di tur cos," el a informa aBC.

Esaki t algun di e consehonan di e dieet:

Bebe awa ta yudabo perde peso
Ta recomenda pa bebe ocho pa dies glas di awa pa dia a lo largo di henter e hornada, semper prome cu come. Apesr cu e "efecto adelgasante" di awa no ta compara cu haci ehercicio of cuminsa cu un regimen, e ta un contribuyente importante. Sorrentino a afirma cu bebe awa ta permiti "acelera e efectonan di un dieet hipocalorico," adelgasando mas rapido y kitando e sensacion di hamber.

Sacia e hamber

E alimento mas "diet" cu ta existi ta awa. E no tin caloria, e ta colabora den elimina toxina pasobra e ta colabora cu drenahe. Y riba dje, tambe e ta sacia hamber. Segun Sorrentino, tuma dos glas di awa prome cu desayuno, almuerzo y cena, ta posibilidad cu e cuminda "ta yenabo mas." Awa cu gas, ta potencia e sensacion.

Aumento di metabolismo

Segun Sorrentino, a keda demostra cu bebiendo dos glas di awa (mey liter) pa dia, riba temperatura ambiente, lo aumenta un 30% di e tasa metabolico. Den palabranan simpel, e ta aumenta 30% e velocidad pa kima caloria.

ABCta comentacu "denturestudio," awa ingeri cu un stoma bashi tabta



tin un efecto di "breve duracion" riba metabolismo (mey of un ora). Pa e motibo ey, Sorrentino ta recomenda bebe awa den diferente momento di dia. Un ehempel por ta mey liter cuater biaha pa dia, cu ta multiplica pa cuater e perdida di caloria. Apesar di e bondadnan di awa, e nutricionista ta alerta cu bebe un cantidad excesivo di awa, por tin "efectonan no desea", principalmente pa esnan cu tin problemanan di curason of renal.

Alimento y cuidado

Sorrentino ta recomenda no bebe demasiado koffie, thee, ni bebidanan cu un contenido halto di cafeina. Di otro banda, plantea pa limita e consumo di biña na un glas pa dia y ta sugeri pa no bebe bebidanan alcoholico pa su efectonan negativo pa e tripanan.



Tambe e ta recomienda come cuater cuminda pa dia y elimina "progresivamente e cantidad di sucu.





SOLO
Di Pueblo

BRIYANDO FUERTE • TRECIENDO CLARIDAD

Tipline: 585 9500

e-mial: solodipueblo@gmail.com

FORTALEZA PA FAMIA

Scirbi pa Pastor Marcel Balootje.

APRECIO Y GRATITUD TA TERAPIA DI DIOS



Aprecio ta algo bunita cu Dios ta pone den nos, pa nos por demostra un na otro.

Hopi biaha nos ta pensa cu nos forma di demostra aprecio, mester wordo demostra cu un regalo, pero no tin nada mas bunita cu expresion di un curason sincero,

Especialmente nos como mayor mester corda cu nos yui mester wordo aprecia, y nos ta prome persona yama pa haci esey.

Nos mester aprecia nos hobenan pasobra esey ta demostra amor, y tur hende kier ta den un cas caminda aprecio ta wordo demostra na nan.

E problematica di hoben ta bay rond henter mundo, pero abo como mayor mester duna aprecio na henter bo famia.

Hopi biaha nos ta busca ayudo di dokter y psicologo pa nos yiu, pero ta ta un simpel aprecio e mucha mester cu ta sali directamente for di curazon di su tata.

No lubida con Dios Tata a aprecia Hesus despues di e bautismo den riu Jordan, Mateo capitulo 3 ta bisa nos cu e Spirito Santo a

baha manera un paloma y keda riba Hesus, y ata un bos for di e cielonan, bisando esaki ta Mi Yiu stima den kende mi tin goso.

No tin nada mas bunita ora un mayor ta papia bon di su yiu, ora un mayor ta contento cu su yiu, pasobra kico cu pasa bo yiu ta keda bo yiu, e ta keda bo sanger, nunca e por wordo cambia, pasobra yuinan ta regalo di Dios.

Ningun regalo digital, tampoco piedra precioso no por reemplasa e amor y aprecio di un mayor.

Aprecio di Mayor ta habri cielo riba bida di su yiu, ta duna curashi, y yuda forma karakter, ta aumenta estabilidad den e mucha, pa e crece solido den boluntad di Dios.

Aprecio ta bini di Dios directamente for di cielo, pasobra e diabel no tin aprecio, tur locual e por causa ta desprecio, pasobra ora un hoben cay den su man, e tin hopi chens di despresia su propio bida (Juan 10:10)

Hopi biaha bo ta haña cu muchanan ta busca amistad di hende grandi pasobra nan kier sinti nan mes aprecia, y na cas den un bida di violencia domestico, infidelidad y inmoralidad, nan no ta ricibi esey.

Aki nos por mira kico ta e balor di Aprecio den Famia.

Mas cu tur cos nos mester ta agradecido na Dios pa tur locual cu E a haci pa nos.

Nos curazon mester ta yena cu gratitud na nos Dios, pa asina nos por expresa gratitud na nos famia, y pa asina un por sostene otro

Duna gradicimento na Señor, pasobra E ta bon, pasobra Su misericordia ta pa semper.

Laga e pas di Cristo goberna den boso bida, tur locual boso haci, haci boso trabao di curason como pa Señor y no pa hende. Sabiendo cu ta for di Señor boso lo ricibi e recompensa di e herencia. Ta Señor Cristo Hesus

ta Esun cu boso ta sirbi. (Colosenses 3:23+24)

Gratitud na Dios ta demostra crecimiento, madures Spiritual, pasobra nos ta realisa cu Dios ta doño di tur cos, y den tur cos e ta misericordioso, E ta libera, y ta duna oportunidad pa cuminsa di nobo, pasobra E ta pordona tur pica y ta duna bida nobo, cambia nos curason, pa asina nos por gosa di e plenitud di bida.

Laga tur hende realisa cu Aprecio y Gratitud ta un forma di biba cu ta bini solamente di Dios, cu nos mester expresa.

Sinceramente, Pastor Marcel Balootje.



FORTALEZA PA FAMILIA.

Scirbi pa Pastor Marcel Balootje.

AUTORIDAD DI MAYOR TA ESTABLECI PA DIOS

Den tur instituto cu ta traha cu mucha, of fundacion cu ta traha cu mucha e autoridad di mayor mester ta conoci y respeta, pasobra Dios a establece e autoridad di mayor.

Asina cu autoridad di mayor ta debilita, norma y balor ta baha den famia, cu tur consecuencia conoci.

Dios ta usa autoridad pa trece ordo y husticia den mundo, pasobra Dios ta e autoridad Supremo y mayor riba tur cos.

Dios a establece tres tipo di autoridad den un pais.

Esun di Gobierno.

Esun di Husticia.

Esun di mayornan.

Nan tur 3 mester cana den e linja di berdad y respet pa Dios, y no cambia nada cu Dios a establece, pa evita cu libertinahe ta drenta den e poblacion, inmoralidad ta purba domina, asina hende por cuminsa pensa cu nan por haci locual cu nan kier sin ningun clase di respet pa Dios y su autoridad estableci.

Gobierno tin cu haci tur esfuerso pa cumpli cu su deber na e pueblo, pa asina e pueblo por cumpli cu su parti y pas por reina tur den tur cas. (Esaki no ta politica pero seriedad).

Husticia mester para firme y fuerte pa controla, y pone orden y respet.

Mayornan tin e labor di lanta yuinan conforme na e palabra di Dios, pa asina nan

no tropica ni cu husticia, ni tampoco cu leynan estableci pa gobierno.

Tocante e 3 autoridadnan aki por wordu lesa den Romanonan capitulo 13 completo y 2 Corintionan capitulo 13:1-10. Pasobra asina cu un ta debilita e otronan tin cu reforsa.

E autoridad di Mayor, no por wordo negligisha tampoco manipula, pa e Famia no tambalia.

Tur insituto cu ta traha cu mucha, tur fundacion cu ta traha cu mucha, tur scol, y tur creche, mester pone den nan statutonnan cu autoridad di mayor ta estableci pa Dios, pasina muchanan lanta cu respet pa nan mayornan. E autoridad cu Señor a duna mayornan ta pa Edificacion y no pa destruccion. (2 Corintionan 13:10).

Poverbionan 19:20 ta para scirbi: Disiplina bo yiu mientras cu tin speransa ainda y no desea su morto.

Un mayor mester eherce su autoridad ta riba lo siguiente: (Riba tur cu ta biba bao di su dak)

E mester ta na altura, cu ken su yiu ta sali y na unda e ta bay.

E mester controla su yiu su tas, su camber, y si tin mester hasta su telefon.

Awendia droga ta wordo bendi y entrega nas cas mescos cu Pizza.

E mayor tin tur autoridad pa puntra e mucha kico e tuma serca hende na auto y exige pa e mucha habri su man pa e wak y si ta droga denuncia inmediatamente.



Ningun mucha no por sali cu spirito, e persona cu e ta sali cune, mester ta conoci.

Mayor su deber ta zorg pa alimentacion, bistimento, gasto di estudio, pero mas cu tur cos edifica e mucha pa un bida decente y agradabel den bista di Dios y di hende.

Colosensenan 3:20+21 ta para scirbi: Yuinan sea obedecido na boso mayornan den tur cos, pasobra esaki ta agradabel na Señor. Tatanan no provoca boso yuinan pa nan no perde animo. (Efesionan 6:1-4).

Deber di mayor ta pa encurasha, edifica, y no kibra

e muchanan, pasobra nos tey como esnan yama prome pa motiva nos yuinan tur dia, pa haci oracion, pa hala nan riba caminda di Dios.

Ora Dios duna bo autoridad e ta yama bo pa duna cuenta, pasobra Dios kier pa tur mayor ta responsabel pa nan yuinan.

Oracion di dia

Un feliz dia y cu Dios colma boso cu Su bendicion abundantemente

"Mi mester predica e Bon Noticia tocante Reino di Dios den e otro pueblonan tambe, p'ese y a manda Mi!." Lucas 4,43

Hesus a bini na mundo pa siña Su discipelnan tocante e Reino di Dios. Cu Su palabranan Hesus ta proclama binida di e Reino y cu Su actonan E

tawata demostra cu e Reino tey caba y mesora E ta haci un milager di sanacion pa confirma cu berdaderamente e Reino tey. Mescos Hesus ta

spera di cada un di nos cu ta Su discipelnan. Nos ta nada otro cu sirbidonan cu a yega na fe pa medio di Hesus. Nos cada un tin cu haci e trabou cu Dios a duna nos guia pa Spirito Santo. No mag di tin envidia, division, ni pleitamento entre nos pasobra riba nos propio forsa nos niun no por haci nada. Tambe nos tin cu bay na unda Dios manda nos. Nos tur ta compañero den e trabou di Dios y Dios lo sa di recompensa cada un di nos pa e sirbishi den man di Dios. Animo rumannan pa sigui traha den e cunucu di Señor y asina gana alma pa Señor.

Oracion: Hesus nos Gran Maestro, instrui nos pa medio di Bo Spirito Santo y cu Bo luz ilumina nos mente y duna nos sabiduria pa nos por proclama Bo Palabra cu hopi curashi y humildad pa asina nos por ta un instrumento util den man di Señor pa sigui edifica Bo iglesia Amen.

PUEBLO A HAÑA SU PEN BEK

Pa kualkier informacion
solodipueblo@gmail.com

☎ 585-9500